


'Hey...ta Pasco Vol. 5' a wordo batisa cu ijs!!!



E aña ki Edjean a tuma e decision pa honra su fanaticonan y a scoge 4 dama pa representa e cantidad grandi di fanaticonan cu tabata presente e anochi aki. Fatme, representando un 'sneeuw vlok', a balia y busca e madrinanan di e aña aki cu a keda den personanan di Sra. Tromp, Erin Croes, Ghislane Koeiman y Cherryldine Muller. Tur e madrinanan a keda sorprendi ya cu ta na e momento ey nan a haya sa cu nan lo tabata madrina di e produccion. E aña aki nan a haci uso di ijs pa batisa e produccion aki cu masha alegria.

Pa haci e anochi un tiki mas grandi Jeanedy a presenta su cancion, cu sin duda algun a impresiona tur presente y tin e potencial grandi pa bira un exito di e temporada



aki. Edjean a sera e anochi presentando 2 cancion di su produccion nobo y despues algun di su cancionnan di otro produccion y baha balia cu su publico pa asina sera e anochi spectacular aki. Jeanedy hopi pabien y exito paso no tin un cancion cu masha hopi potencial den bo man!!! Edjean masha pabien

cu bo produccion nobo y un cantidad grandi di exito pa e temporada aki.

Aruba e produccion ta na boso disponibilidad pasa busca esaki na e CD shopnan. Keda pendiente pa mas actividad y concierto cu Edjean lo presenta den e temporada di fin di aña.

ORNAJESTAD — Manera ya caba ta custumber ora cu Edjean Semeleer presenta y batisa su produccionnan nobo awa ta yobe. Den e caso aki awa a cai tempran atardi, y di esaki tambe nos camaranan a logra gara!!! Nos a topa cu Edjean merdia tur muha preparando pa e anochi special aki. E anochi mes riba Renaissance Festival Area tabata masha

bunita y yena di momento nan special. Cu presentacion di Edjean e anochi a habri, pa despues e wordo acompaña pa Cherryldine Muller y Ruben García riba stage sperando riba yegada di e produccion cu a wordo entrega pa DHL eynan mes. Hunto cu e produccion Edjean a ricibi un cuadro di reconocimiento pa su produccion nobo cu mes ora a bira esun cu a wordo batisa.

